

愧

瘖

集

愧瘖集卷之四

莆田二山野

林大椿稿

七言古詩

獄杖後銷憂二首

杖瘡覓藥攜耆童
小校分我獄祠東
玄雲冥雨夕花紅
彤霞遙暎碧霄宮
壽鏗殤子將無同
屠龍射虎誰稱雄
君不見風波萬里昌黎公

野人氣豪橫
頰流狂來却步呼
浮丘鞭朴恩深若
爲酬躡鴟走兔能
相謀春風扶病更
狐裘青

山夜雨思悠悠君不見齊安陽羨蘇眉州

四損歌

予南謫行劇賣房損五十金猶曰敝屋
賣馬損四金猶曰羸馬筐若繫借於人
猶曰舊物山婦曰奚以需逆旅予
答曰時哉相與一哂歌以紀之

馬椿橋北林逋宅長安六載隨朝客苑牆雲氣
來蓬瀛水部歌聲滿南陌敝廬風雨書生緣繩
牀布被羲皇前半載憂虞胡相牽羈孤四壁獨
渠憐浮萍浪迹一潸然主人今愛同鄉賢薄售
多捐曹卽錢簡書驅予瀟湘烟西陵官舍任吾

年

燕臺龍種應無數俠客奢華馳紫駟金鞭直指
公侯館回首京塵玉溝流我家白驪齒初長三
年遲爾雲霄上西街忽鳴驚犀象方瞳竹耳青
葛養有時適野侵霜仗長安鐵騎塵沙壤汗血
連翩非其黨別離識路鳴書幌楚甸遙遙予獨
往

六年長安曳瓊琚子雲未老長耽書倦來隨意
偃遽條明窓瓦鴨香烟舒狂夫有篋胡爲虛與

墳亦在蠹中魚爾情煖冷獨睽余誰能列峙輝
雙輿玉堂文價重璠璣緇帷華幌三冬餘造物
撩人思多取龍蟠夔屈吾何有悠悠相看遲白
首

昌黎遺歌久寂寞萬古文章留縛約短檠依依
隱筠閣金聲玉色燈花落野夫憐渠似白鶴塵
月相逢祇如昨古事今談俱糟粕車螢康雪徒
連絡贈爾彩毫思寥廓璇霄不照華筵酪他時
紫燄生卿雲好音遙寄三湘聞燃藜讀易思離

辭

長歌行舟中二大恐

予到淮口風劇以從兄暨外叔相候于
淮予欲渡舟人不可屢強之渡且半風
顛舟傾水入且盈舟人哭予分必蹈水
死條忽風大掠舟膠于淺久乃易舟以
濟過高郵值運舟乘風北筵予舟前向
不尋丈浪高勢疾舟撞之必沉予與僕
暨舟人號呼外柁偶濟予自念累難艱
虞賴聖明敷仁得生南謫乃數數恐
抑命也夫因卽事歌之寒流薄宦他日
江湖舟楫或深有警焉

吁嗟乎吾之生何浮吾之死何往海嘯上浮槎
萬木皆昏漭飛廉不停鞭淮潦高百丈豈能容

與談壯心莫漫推移爭撫掌吁嗟乎天可量兮
誰開沙磧而鳴榔易舟以濟歡數長

吁嗟乎目中米舟急飛來當牕遙吹號寒草高
郵漠漠逗霞光驚濤如屋飄篷蚤三里一刻射
船頭百夫千呼欲藏島吁嗟乎高歌開憂顏晚
泊兮妻孥好江神呵護兮畏途懊惱

見鄭脩齋先生

北風吹舟作潮汐蒼濤白浪驚行客張眸不辨
江豚翻歸程猶訝冥鴻隔鄭虔夫子別五年京

口懷人倍黯然憶昔携書初束髮只今問道泮
齋前行藏流落同肝膈別館青春慰顏色門牆
遙憶東山南贈言曾獻長安宅先生有子乘龍
仙豫章聲業風雲邊王維李白情獨異承家報
國人稱賢我今行役意偏反半刺西州徒浪迹
金山俯看萬壑流甘露寺深蹲白石斯須欲別
袂猶牽風烟南北眇長川桃源擬待楊雄隱不
愧侯芭學太玄

家招翁宴集諸父昆弟

招翁歲酒冽且香十旬不飲意淒涼長安逐客
初還旆蹇衣脫屣登華堂復見四歲老人語五
月乳抱懷罔郎妻孥父母忽相見彈淚不拭同
離腸天牢半載更疾患百死誰應謀稻粱去國
敢辭荆楚路移官何惜尚書郎伯叔慰我將強
仕喜來弟兄立成行團圞三秋如一旦邂逅隔
朝非殊方空庭寒氣照燈火遙夜明星天雨霜
招翁百杯先勸飲諸父翩翩各盡觴羣從彷彿
偶家食非賓非主同醉鄉回思金臺一逆旅六

年翺佩趨明光清時四裔無豺虎萬國絃歌獨
鳳皇巡狩惟應王者事西征已鑄皇基昌派臣
孽子每兢業翻雲凍雨難禁當招翁百年已強
半有酒且歌樂未央已添濁醪沾近舍更催明
燭來后塘我歌南山郎長跼尊前爛熳菊花黃
黃花催人飲易醉醉時舉止各昂藏贈言謂予
如賈傅長沙扁落更文章我愧斯人后千載道
出三湘擬薦芳明發相逢談夢寐天涯飄泊任
清狂

同鄭翔于陳君復諸友飲月峰寺座中放歌

衰鬢欲遊瀟湘間友朋邀餞生歡顏月峰僧侶
幾年別竹谿石瀨蒼雲關衲子扶衰成羽翼鳴
鐘擊鼓澆胸臆百杯丹醞照琉璃兩行度曲春
無力當年交誼芝蘭初筠牀藜火同攤書夢騎
天馬登玉室后山夾淙探玄廬古人漫說參寥
子青芝黃獨吾同爾梵宮雷漢昫虛無月明祇

樹栖霞紫

予先年讀書法海鄭陳二
君暨君咸戶部讀書月峰

別夏子中

扶病強出門日程計近遠隨處逢所歡欲別復
繾綣三旬到肝江寢食差強健肝江春色正屬
人綠楊青草無車塵東洲勝事知者少雲崖烟
渚坐來頻主人去歲金門客抗疏歸來初隱淪
昔有柴桑翁蚤辭彭澤種五柳復有蔣元卿三
徑能招二仲友古人意氣不稱狂達生日醉雲
間酒與君邂逅夢中疑長安憂患論交時黃憲
陸雲異生死陳郎萬子同交離書生赤管胡多

逐客滄洲眇素期
颺搖巾舄往三湘
東洲玄談還信宿
咄咄何當畏簡書
司空欲老王官谷
朝來却望麻源山
從姑秀色橫吾目
言念南州榻長隔
西陵城春風雙鬢
長江影落日孤槎
細雨情他時欲問
別來意須聽衡陽
過鴈聲

飲袁守羅質夫郡齋羅以奕勝予困於酒

賦此

宜春使君人稱賢
簿書清晝春山妍
晚來留客花當筵
城鐘不動明燈懸
嗟予淩落時相憐
深

杯欲醉意翛然手談浮白雙壘堅旌旗不耀三
臨邊宜春之酒如湧泉劇飲那禁杯勺連橘中
老人頭半玄相逢一局歲三千弄丸乘化自忘
筌若論勝敗奚其僊質夫長予只一年翩翩文
藻輝星纏江東鳴鳳雲中鸞神龍海上亦行天
我行南甸道流烟搖風濕雨征衣穿旰江一笑
復臨川人生邂逅豈無緣江湖拓落更周旋逐
客載歌橘中篇橘中之棊不可傳蓬山弱水清
尊前

臨江驛宰黃大卿麓筵談舊別賦

行客疲病來楚疆長沙迤邐二月至十日祇逢
三日晴旅懷雖壯尤披靡醴陵舟楫泛春濤漉
江南望臨湘高榜人郵程報逆水隔朝撥悶憑
村醪臨湘主人黃驛宰邂逅容顏倏生彩別離
忽忽歲已三官齋懸榻遙相待憶昔金臺春可
憐談詩呼白燈花前約齋共結同心友李子過
歡亦夙緣燕北荆南幾芳草寄書訝却鱗鴻老
黃郎把袂談瀟湘屈賈風流騷賦好名山秀水

稱大觀眼中嶽麓彤雲端遲留賓席雕餽飯磊
落松門首著盤探竒隨處慰心賞紫鷺黃鶴互
下上笛聲婉變出林巒吊古懷新憇嶒嶸百年
蹤跡多風沙一榻襟懷寄碧霞林子黃郎俱逆
旅放逐吾應更憶家與君話舊日柳永冥冥岐
路山花靚風雩亭納天湖清簣簞谷動蓬洲影
昔賢道論發天真宮牆千載覺斯人委吏將迎
還細事栖山須及采芳晨

常德逢張驛丞原自貴州往陝西省家張

以給事直諫謫五年叙舊感時作長歌
君不見貴陽之山分三甸古來險絕稱夷疆
關崖通棧自何代白茅蒼箐連雲長蠻番部落非
一種狸獠猶莽天荒王官聲教羈豺虎每於
豪傑識麟鳳關西逐客來五載郵亭伐鼓聲琅
琅煙雲轉憶瑤階紫日月還依瑣闥黃賈生不
辭長沙遠元城甘老春新鄉直聲折檻時所畏
古道鳴琴誰相將蘭臺栢府拜賓客微藩集院
稱文章隴雲秦樹眇何許武陵幾度桃花芳朝

來忽忽瞻馬首劇談往事同淒徨憶自金門初
諫草豹房別殿傳禪香廬陵子庸亦同榜雖離
兩鳳鳴朝陽給事今歸渭水比比部頻買章江
航海上野夫驚失路楚天風雨洒征裳蒼梧卻
望雲正遠青萍雙珮遊三湘與君幾年不相見
夢中何意今登堂郵亭燈花照顏色天涯意氣
矜行藏半刺恩深過五斗微官那復謀稻粱懷
抱向人一傾倒五溪舟子歌滄浪明朝共飲楊
員外贈爾洞庭春百觴

次歐陽六一韻

歐陽令夷陵時洞未顯名亦未數數遊也諫臣文賢佳詠遺世俯首歛襟僭次其韻

鳥道瞰晴川龍湫俯遙嶺援蘿蹇步險倚杖窮
人境橫江峽口南津山紫芳玄谷烟霞間醉醒
塵代招攜裹崖竇雲腴白石髓猿聞鐘鼓橫查
度鳥驚巾舄平莎起歐公六一隔年留古木彤
霞秋事幽掛瓢九戶聲寥寂長沙詞賦青原客
夷陵茂宰談清風不記何翁共瑤席昔人桃洞

路亦迷三遊雙硤山靈知我來一榻花開落鬼
谷僊都隱五谿

送許舅往長陽因柬彭令

西陵山色稱長陽雲岑烟渚連蒼茫玄猿向人
下高崖之白石青芝抱雪九曲搖滄浪邨中桴
鼓吏不驚彭侯猶抱雲霞情三載鳴琴如單父
數月三到峽州城野夫臥病已經春銅章暫寄
還逡巡殊方人事眼中滿病髮秋風頭上新扣
門仙令定高眠橫塘一札清尊前尋真是處還

相報夢裏崆峒亦舊緣

席材同席上觀場作

粵客南來稱跌宕江花冉冉明春風何期結綬
同心者雲車飄杳如飛蓬至喜亭開抱晴雪渝
歌千里報來鴻江城春色舒梅管葛谿歌兒劇
戲同青絲白苧雲蘿窈語燕流鶯桂幌裏登壇
拔劍意自適呼酒鳴商黃金空人間得失更反
覆招朋逐隊輸群童主人聲價舊黃門京塵香
霧迴寂寞敝裘瘦馬到階除攜我同袍恣歡謔

芳旌春爵西州公碧梧青梓雙栖鶴野人刮眼
還浮埃把劍張燈出南郭翻憶舊遊迹已陳郤
憐良晤緣非薄君不見青原老子壯稱翁滁陽
半歲歌豐樂吏散民懽識者真泉甘酒冽天寥
廓試問葛谿歌者誰閱盡西陵花開落

白季循談予折獄事紀之咏言四首

庚辰春予到夷陵偶署篆時潛江盜劫
庫行諸方捕之夷陵捕官以蜀之商于
江陵凡九人同舟歸執而毒訊之商誣
服以訊狀暨賊仗解州予稽其貌言非
盜也乃各隔間九人者言同又隔諸館
人問之與商同予乃役巡兵同館人押

解各商之籍令官司覈報行數且巡守諸司皆曰賊得矣文移促解會訊予申言非盜矢爲保任諸司置弗問然猶疑予之輕於釋重辟也予亦自疑焉白子過西陵謂予曰商誠冤矣然非子之明決疇能辨而生之邪辨而弗遣亦無以生也九商者予里閭暨隣邑之知識也其族黨談者咸曰吾爲林夷陵祝齡矣予喜曰果有是哉遂無他慮乃紀其事以廣白子之教因自考焉

蜀商半老遊江陵招朋博貨囊留金江邊邏卒猛於虎剝骨鑽肌刑更淫商人誣服劫江庫劒戟環持喙且瘖酸風吹土失南北圓扉晝瞰常陰陰繫予小子稽言貌天胡能墜陸能沉嗟嗟

江山有神兮弼予洗冤之心

黃陵館人指天誓悲辭苦語低雙眸共言商者
凡九人風波辛勤值寒歲半年還往荆夔間寸
心裘葛經營際官中安似佛前燈玄夜長明徹
幽翳繫予小子坐移時思煩冤兮心以悵嗟嗟
館人莫疑兮商人四海亦兄弟

捕官得賊聲愈遠監司執簡如追兵蜀商到臺
庾則元羅鉗吉網亦奚情西陵拙牧性惻惻平
反肝膽要神盟灑瀕瞿塘魂帶上鬼關天網談

猶驚況予昔日曾憂患枯魚含沫沫滄瀛嗟嗟
天地何心兮爾自生成

殊方官府報書遲粉梓村中懼相羨殷勤離合
談再生西陵逐客陰功衍陳年公案多誤人何
況階前爭鍛鍊天道如衡應不私人心如水亦
上善繫予夢寐偶虛襟同袍記述慚顏面嗟嗟
刑獄可矜兮誰其譎藍而稱茜

餞鄭東嶠學憲於墨池書舍坐中放歌

舊言註雅郭景純夷陵城內有墨池人言陳迹

只如許方塘半畝浮綠漪頽垣蔓草隨荊棘九

民談古多是非廣文諸生意拓落宮牆軒牖再

鮮奇

庠師生按籍取於州勢家肩有子數之精卜龜筮從焉師生曰復古哉作室復之

鄭虔持節教滇南過家許作墨池記墨池記留

今古情癡兒夢醒江湖事名勝如分赤壁觀絃

歌應躡彤雲致南中模範皆文章嗟予刺州慚

卧治

良宵梧影風堦摧解襟岸幘酬餘杯百年渾沌

易遲暮萬里招搖失紀回短闌共坐浴鳥放細

后欲過躍魚違華髮未生吾與汝金章白簡孰
君追

長江隔城不可渡紫薇杜若開無數地脉雲浮
泉噴珠江心月動衣沾露墨池他日藏遺書記
取山房有奇遇景純晉室亦貞臣高風奚孤爾
雅註

集舟夫往役江陵

聖母自安陸入京舟夫之役數萬皆荊州屬也
夷陵夫四千聚而分甲乙解之江陵監司

督焉紀事二首

西郊喧聲如轟雷掩耳大樹狂飈摧蒸氣若焚
濯亂髮汗滴麻裳赤腳垂蒼頭大面稱膽力十
夫一總時號追誰言田畯不解事倉皇蹶蹠群
銜枚腰中索錢買斗米官舟聚蟻江之隈錦衣
寶帶闌人立結束推移杖與槌爾曹百年見奇
事東西南北從脂韋九霄神龍飛雲漢融融萬
彙陽光回

郭門斜日氣作寒蒸黎出山偶異觀豈知千旌

分擊鼓若訝藜藿間堆盤天上皇慈傳令聞珠
簾玉匣輝江干津夫千里役不達達者奚悲近
奚歡結隊棄襦不可避長風吹浪水漫漫瞻天
語語佇龍節行路遲遲東馬鞍蓬海星辰耿南
國千官匍匐五雲端清時仁孝道茲始神聖特
書太史官

聞安陸舟車祇將 聖母豫休喜而作歌
傳旌天上報初聞玉騎翩翩千里雲金屋鳳棲
龍涎熏瑤池西母瓊漿醇風清鸞音或逡巡僊

斑左佩粲然文淑侯熙熙散楚焚歌聲載路起
朝曦官家孝養滿乾坤津梁遙接燕京門九江
浩蕩遊神鯤五服諸侯朝至尊鷁班不隔笙簫
屯虎拜還分燕鵲群津夫僦僦荷長春中興
天子萬年存

取佛西僧歸自蜀道

上水逆舟如旋蟻放舟隨水似飄萍瞿唐信息
曉來報隔旦南津濤欲平西僧取佛佛未至
衣傳食人爭驚况聞簡書嚴斧鉞萬國懸知

聖主情

懷往雜味二首

漁梁槎頭縮頂鰱鴨綠浮觴漢水前鹿門夜歸
孟浩然蘿月梧雲清可憐龐公幽隱若栖禪千
載人疑漢帝年司馬名流水鑑懸伏龍鳳雛同
稱賢陳迹冥茫凌蒼煙搖落還聞啼杜鵑倒著
接離休問天桑田海水寄冥緣

高陽酒徒酈食其春風日醉楊花枝有山不登
奚崛竒有酒不飲空支離峴潭紅鮮留釣絲鳴

鐘鳴鼓習家池鑿齒逡巡劉魏時漢晉春秋事
卻疑季倫行樂誰不知胡訝巨源非譽兒層臺
何與後人思市朝田野風塵遺

遊峴山作歌三十二韻

登臨雙袂開秋冥大山小山列翠屏望楚冠盆
同崢嶸雲區奧域天花橫人代英豪應節生鹿
門連絡襄陽城耆舊奚知漢公卿莪莪白藏復
玄英孤亭留雲鶴不鳴栖林幽鳥傍人行叔子
當年匪好名民功宦澤談皆驚芳蓀俎豆千年

清至今碑碣星辰明
弱齡簡冊懸心旌
江漢風波數驛程
西陵逐客還燕京
羈旅竊與古賢盟
臥龍躍馬亦奚爭
浮生得失鴻毛輕
攀蘿蹇芷借春榮
况復時平無甲兵
奇觀勝選謝將迎
草廬大隱黃鐘聲
避地空談丹八瓊
攝生何與芝九莖
歲杪山深少茯苓
宜城美酒瓦罍傾
青城玄圃多僊靈
飲菊飡霞共解醒
狂夫登眺海山并
玄髮悠悠丘壑情

隴梅嘆二首

青林漠漠西郊路騎馬來過隴上岑梅花歲暮
落寒雪回首鄉園萬里心寄書初見梅如豆梅
驄焉知書到無春衫夏葛風物改鏡裏二毛慚
病夫

屏居如隔人間世隴首春情入鬢華梅花辭葉
已含子社燕銜泥初作家大觀更惜青山小醉
語還嗔白日斜若逢驛使談踈濶定泛張騫八
月槎

十月師汝和宅看菊

重陽黃花不媚客橫州主人空清尊黃花幾日
開無數竭來歡走叩吾門我開蓬門月江曉騎
馬竝入城東村雙眸流霞失佳麗群芳綽約盈
丘園錦日寒城豈蕭瑟香風野席何溫存主人
留客再開宴看花未徹卿雲屯林翁正思閩海
嶠師卿却黯終南魂夢裏流光風雨霽天涯秋
事兵戈繁柴桑老人却解事有酒不問誰乾坤
潦倒對君今夕醉他年懷抱共誰論

夢還山歌

浪迹懷名山軒車及明發遙程看暮烟浩思催
寒月雞峰玉澗薜荔秋吹簫聲入紫泉流應門
少鶴何曾倦呼酒流鶯不解愁金臺故人舊相
好尺書報我耶鄆道燕去鴻來凡幾年昨日壯
顏今日老歸舟欲謁武夷君九溪仙笛空中聞
南下江門連海色振衣長躡兩山雲

會口歎

楚天四月頓成漏積雨瀰漫兩浹旬蜿蜒山入
蠻荒曲混漾谿通鬼蜮隣七澤茫茫蛟龍窟遊

延吹怒雲俱屯山中怪物或同氣谿上群潛亦
有神權移太陰逼真宰邇來橫毒抑何頻眼前
波濤浮天白山谿之水流潐潐楊堤舊築過三
丈百室衡茅民且貧扶衰携幼泣相告妻孥直
恐同沉淪湖田插秧纔尺許烟帆風棹湘之濱
眇漠晝看雲出電蕭條夕見野生燐去歲流移
半溝壑連邨金甕荒埃塵發粟難同汲黯惠蠲
租深荷周文仁豈知災疹多稠疊朱幡行縣空
因循風波辛勤一撫劒廟廊夢寐倍沾巾龍陽

古隄今在否武陵豈有舊時春
安鄉華容數百里高山爲陸陸
爲津誰當圖畫達楓陞北門
孤迹慙前人

回舟過澧州呈涇崖李公言別

愁霖五月如悲秋廣甸舟車問
俗遊眼中川陸誰記憶客裏韶
華獨隱憂昨日朗州歸興發沅
江層濤島嶼沒回首武陵清可
携繁陰條露天心月荒荒皜皜
殊足憐瓦爐檀屑輕浮煙懷古
時歌吊屈賦長沙意氣燈花前
南國江山祇如

昔召伯循行亦今日湘蘭沅芷幾春秋楚些莊
吟激胸臆明時竊祿貪天功十年羈旅湖西東
青萍離垢星辰上白簡行春風雪中姜女祠前
西郭外官舟隨流疾於馬滂崖我師離別情玄
圃赤城夢瀟灑

古意七章

癸巳孟冬七日予生朝也大道無聞浮
榮匪據四十餘齡忝竊甚矣卽事微言
因之
自警

芝田如玉明人眼好鳥雲間獲我情
瞻盼蓬山

思躡屨扶桑日色照長生

紫霞玉管獨高臺楚些燕歌思轉哀浮世若教
顏色駐古來三徑不蒿萊

風露悠悠惜九秋朝陽霽景亦西流若論林莽
能忘世萬古崑崙祗一丘

誰抱天倪得隱名浮雲流水亦青城夢中聞得
釣天樂斷送人間愁惱情

壯年岐路惜芳草采采秋蘭留晚芳青鳥不鳴
天未曙江湖迢遞鴈南翔

驚駿同轡忽忽過天孫河鼓別離多南飛一曲
誰將引漢皓芝山舊日歌

達生聞道可忘憂輸與兒童拍手遊四十六年
驚屈指浮蹤秋水九江流

朱菊前歌

友人前山朱道器之弟道華種菊鳥石園花盛開可名者若干品方雪崖于馨林竹渠俊揚陳三宜宗本林蒙渠俊珍拉予攜觴往觀席上作朱菊歌時甲辰十月十有四日也越三日前山兄弟觴四老暨朱懷泮賓峰與予于園山日清輝菊花淨麗傳杯遲月興不淺也乃續作歌追惟秋崖翁分教青田四載乞休

結茅茲園却掃息交耽古自適或意氣
耆舊相過訪則摘蔬炊黍笑語終日貽
業甚約道華瘠田數屋之外僅有此耳
然而治生勤於菊尤愛方閑時觀者彌
戶好事者或博以他物亦副意焉自食
其力儒家子姓弗當如是世之侈縱淪
前休者其亦愧矣因
稱道華曰及菊主人

四老清晨叩我門邀我攜觴至鳥石松光千樹
漏迴曦海雲忽忽流初夕朱園荆扉半欲開編
籬細篠過七尺呼童不應呼主人前山老子驚
迎客碧樹濛濛草似茵蒼霞冉冉崖如席杖邊
無數黃金錢雙眸百轉搖天碧攀枝那計園丁

嗔嗅英應動山靈惜太真蘊藉御袍鮮映江照
日相輝燦西施明麗分三妝紅粉金枝皆渥澤
佛面奚緣淨拂金幾行回子眼終赤芍藥牡丹
識者稀鵝翎鷺絲紛爭白列綺叢中開最先狀
元應稱花中伯舊譜今花名不同十畦萬朶留
雙鳥真宰渾疑節序私一丘直與江湖隔道華
愛菊卧茅茨二月開園歷鋤跡萊妻作酒奴作
糜量晴較雨談俱適寒城秋色對衰翁我醉欲
狂倒青幘相歡還憶髫年時東隣看花復西陌

歸來搖落十餘星甲第豪華感今昔朱園放歌
各盡觴烏山四老亦三益

朱菊後歌

老人對菊羞赭顏多情菊花忍相棄六客同過
地主亭呼白傳杯作奇事香風初動蒼山清彩
霞不斂后村媚霜姿亭亭洛下標月華隱隱騷
壇幟天上明月復幾何山中叢菊能相遲重來
一笑隔三宵秉燭翻疑如夢寐憶昔曾從梁宋
遊朱輪白簡羈玄思瑤箋頻枉李生編瓊觴曾

托劉郎識雙簫十管吹繁臺高李杜陵經此地
楚院三年秋色深王孫琬琰明雙視流芳獨惜
深閉門落英漫摘欲盈筥江湖歲月一浮萍道
籙仙關總如寄城中幾處探花開風雨蹉跎鬼
神闕朱門兄弟心迹清坐石邀賓洒空翠君不
見蔣生三徑轉蓬蒿惟有同時二仲至又不見
柴桑野人有好懷路逢白衣偶然醉古來賢達
小義皇龍攀鳳附俱爲戲黃花爛熳許招魂麥
斜壽泉樵谷邃十年誅茅訪紫芝洞猿野鶴不

相避憑君寄語巨上人二歌傳與東山寺

題教授沈子水南圖

寰中雲區茅作屋牙籤石几橫書讀主人足音
鳴空谷蔬盤殖釜涵芳復九峰隱暎飛孤鶩悠
悠天路遊麋鹿泖水空明虬所伏江聲海色盈
南服青環翠抱皆叢木春深隴畝生佳穀泮宮
主人食天祿俎豆文章擅清淑賦成長思杞與
菊夢醒欲遲炊梁熟俎徠千松色如沐渭濱瀟
洒萬竿竹浮濤汪汪江欲覆湛露濃濃物皆育

八壺九華龍象蹴馬帳韓檠慰齋宿風流昔人
誇二陸回首華亭長在目主人倏駕金陵轂橋
門青衿雲龍逐過家桑落貯千斛詩翁旨酒甘
黃獨他年國子詠棧棟梁榱桷收沽鬻書生
授老歌熙穆擊壤堯民膺擊筑功成丹丘還首
蒼生綯寄我烟霞幅

題別駕黃淡峰畫圖

臺閣敞清虛友朋來杖屨輕橈非後期午流淹
晴渡款曲桑榆談悠然田野務天風五月長青

峰互吞吐既多裂雲泉復有環屋樹達者非陶
徒自協滄洲趣城郭皆新知未可語情素東門
車馬喧白頭失故步矯矯黃山人邯鄲夢已寤

二

江湖渺無際三見巴陵春巴陵芳堤二十里東
風楊柳拂輕塵烟帆頻渡蘄門客雲簫不比桃
源民使君別駕明如鶴淨渚洪濤各愴神海上
別來桑梓碧江城好種棠花新歸舟迢遞三月
暮白髮未生甘隱淪亦知此老胸中有丘壑頻

懷瘖集

卷四

五

文

令蓬山壺島圖畫長相親我欲携筇從君五岳
三洲遠問道倘逢沮溺休問津

王維輞川托毫素千峰萬壑眼中無披圖臨澗
復經丘踈花欲笑禽欲呼况復題詩稱奇事蒼
茫雲水抱柴墟鄭虔藝品亦三絕南洲流落鬢
髮踈古來豪達不蕭條今人潦倒瞠其後麥斜
鄙夫病閉關澹老遺我幾幅煙霞手我愛清溪
杳靄村小舟時傍門前柳我愛諸天隔翠微西
雲鐘梵來書牖王鄭風流不可孤扶藜酌爾山

中酒

思香山歌贈王翁

翠峰王翁居江口孝友儉勤里役二紀
餘無負咎于官僅一第後于叔氏父之
業共分族黨難之兩請郡賓弗赴庚戌
年八袞予叔氏世度甫翁之甥也索予
壽言予曰壽翁惟香山也翁族世主茲
山山稱奇兀凡數勝予得兩遊焉而翁
也地主偕款大雅靜恭遊有永思焉乃
作歌爲翁壽

海上蓬洲挾雲御風不可求香山似天姥驚嶺
虹梁昔會覩蜿蜒突兀大江橫勢連蒼漢隱僊
城古曩聖壽同千丈海色注聲虛欲傾竭來山

中魂飛越桃源瓊樹春三月舉杯照清溜濯纓
坐峰谿荒苔屐齒淨逾碧沙明青鳥迎人啼石
門淹三宿萬籟吹雲梯虎迹迷古術僧鐘叅曙
雞短藜白幘穿崖曉古洞朱花過雨畦石田可
耕寒有泉籜龍鴟芋分巖巔蛟如松兮抱日犬
如石兮銜煙三星夢覺千劫塵摧星羅耀景鬼
谷弘開先我過者未有托太塊遺我列僊臺凭
初遊兮行天馬山靈擊鼓兮從天而下載遊兮
驚扶我車道流羽客壺觴如麻山中老翁見之

喜謂予歸落無塵嗟相留兮野几談適兮殫霞
奇觀人代祇有此年華奄忽如流水翁也入城
暮即還洪屋拍肩三芝間南星佳氣滿香山我
歌三疊非生客仙鄉醒醉瞻蒼顏

古囊聖壽山名

秋雨行送平海司訓遷安溪學諭四首

海雲接天天爲低雲中鳴雷如兒啼山雲隔地
只數尺吹沙飄瓦風淒淒田家望雨眼俱淚禾
晚鹽花生舊畦三日之雨達天倪歡聲原野聞
東西

春來不雨麥不收
早田不種秧枯留連村爭泉
只救渴強者操斧屠耕牛
大家閉糴價如玉斗
米亦向官中求三日之雨
盈西疇焚香祝天豐
茲秋

山有蕨兮溪有毛茹溪餉山饑者勞逋賦不催
倉帑竭妻孥溝壑將安逃海舟劫人橫平陸縲
官殺戍天風高三日之雨開蕭騷麥斜山人首
獨搔

平海廣文寒青羶歛歲薺鹽慳一錢六年城中

幾走馬談詩三結草堂緣安溪移官三百里傳
經攜笈衿相連三日之雨催贈篇雞峰雲谷涼
紫泉

題韓方畫竹

昔予遊汴得韓方畫竹愛之暨遊楚滿
湘霽雨歷歷見之畫中意象可以忘言
楚歸從舅許廷嘉氏索畫乃長歌遺之
掃戶焚香風雨疑夢於舊遊無感耶

梅峰雲來溪欲冥主人起坐夢初醒奚童報我
開疎櫺蕭騷祇聽風冷冷虛疑萬籟生高寒徘徊
忽訝千楓丹渭陽老子披圖看乃知煙巖霧

壑颯颯鳴琅玕柴扉已謝三湘軺帝女芳魂豈
易招歲晚君山愁未銷淒清楚些胡相撩欲晴
未晴野色多舊雨今雨柰渠何他年巾舄憶相
過主人今在山之阿君不見文學士又不見趙
王孫渭川千畝日當門後來作者何頻繁古今
好手難同論宋州韓方標格孤湘緣高價今有
無相逢白髮且傾瓠莫待春深啼鷓鴣

江少峰郡丞枉示壺山歌次韻奉贈

海上南屏八有峰巖巖恍惚層霄通六鰲直下

蒼龍宮何年羽人稱壺公五丁雕琢神無功古
來顏面寰區中五侯九華將無同芙蓉萬疊綢
天工蓬洲弱水扶桑東琳宮瑤樹橫璇空一卷
猶足誇龍從况復麟象勢爭雄人言衡霍山之
崇元精吹萬鳴薰風城中烏石魯東蒙二奇相
對日初融誰攀天柱摩顥穹千巖競秀懸青葱
使君道器日冲冲屈騷賈賦少能攻桂壇蘭晚
香多叢尋真欲借凌虛驄望舒轂轉招豐隆淙
陽逸守廬陵翁嗣宗拓落奚途窮論衡猶卑王

氏克經綸三月蘇疲瘡祥烟湛露忻時豐少陵
岱宗雲盪胸白鶴素琴留高春乾坤納納開雙
瞳江湖廊廟耿餘衷我懷江淹心勞忡雞峰洞
笛吹冥濛新詩報我氣如虹鷓鴣運涵牢籠
郢中白雪歌春融

飲林西洲書屋

西洲之泉來天河明月照溪蛩聲多琅玕百尺
影婆娑白頭對酒意若何奚奴呼觴窺松蘿雲
流不流清詩魔芙蓉芸閣虛星槎夢中玄圃幾

經過美人徙倚盼庭柯紫芝黃石香山阿

獨坐西源有懷

群峰橫空雲不流山人閉門年事幽岸容石髮
明雙眸珠林瓊芷凝層丘乾坤變態玄冥愁天
花不斷玉龍浮寒澌孤亭紛鳴球疎烟寂寂羈
孤舟我所思兮山陰王氏之子猷剡溪安道同
清脩欲見不見竟何求又所思兮王郎鶴氅非
貂裘鳳騫鵠舉稱天遊神仙骨相寰中留古來
勝事名千秋拖金鳴玉奚其儔山人閉門醉卽

休三芝相對歌聲稠客來不來那自由西源茅
屋水東頭

西谷頤晚亭看菊分韻得晚字

霜霽歷歷低雲樨黃花迎人何偃蹇醉醒隨意
對僊標流霞來自東山巘林翁踈放似陶潛種
菊丘園樂嘉遯下榻先聞白雪歌邀賓剩有青
精飯寒城鐘鼓淨星河欲招芳魂情繾綣白髮
好禁銀燭光明眸猶覺湘簾遠江漢歸來歲且
深故人三徑同頤晚

陳三宜夜夢搏虎什之異夢也作歌紀焉

湖上雲山相映發茅齋林樾潛夫闌三宜野人
意踈豁繩牀布被淹豪達初宵燈火浮觴遏談
餘雙劍魂超越華胥路迫銀河活玄崖風陣搖
天末山君張口舌如咎雷斧電旄疇能奪野人
筋力剛於鐵黯黯相看同螻蟻爪牙不長蹲芳
薜耽耽忽忽低雙瞥曳尾摧鬚離其穴野人老
拳半沾血膽如斗大稱雄絕螳螂氣憤亦當轍
虎弗噬人虫之蠶環觀者驚豪者啞嗟嗟秦項

恣兇虐泗上亭長強猶弱他時百戰竟淪落大
風歌臺意寥廓野人萬事甘澹泊啓生莊叟那
可作黃梁不博鷓鴣杓白髮襟期更丘壑屢空
猶自澄六鑿古人清似瀛洲鶴麥斜老翁鐵高
翻二十年來隱泉石聯牀每逢文章客况復星
河輝月夕液景天空來僊舄遽遽栩栩情何擇
書生矩矱空跼蹐壯士慨慷豈蕭索夢中搏虎
歌陳迹呼童覓我東山屐

自澹峰廻舟過壽溪至七間橋月明山谷

物色朗然遂登橋移觴劇飲易漏醉中

放歌兼呈同游

澹峰落日迴巖延壽橋橋頭千松橫青霄漁人
竹火冥冥泊溪曲田家柴扉渺渺開雲標秋水
徐潭不可測浩歌滄浪一漫客溪風冷冷吹襟
寒凌虛欲呼浮丘伯七橋龍卧碧瀼間北望陳
巖南壺山醉來登橋如坐屋明月照我餐霞顏
顧況林逋不辭酒廖黃哦詩幾回首星槎欲動
白鷗群露幌還淹赤松友眼中天地小者誰李

豪杜旅時相推麒麟塚高蔓草沒鳳凰臺古飛
塵吹白楊丹楓間姚竹年光物候真超忽雍門
多事訪丹砂鄭谷何緣騎白鹿長橋月華浮彩
雲山歌野酌影平分百年強半紀此遊婆娑長
揖九華君

愧庵集卷四終